

UGOVOR

Usluga oblaganja privremenog postamenta spomenika bosanskog kralja Tvrtka I Kotromanića kamenom oblogom

Zaključen između:

1. "Grad Sarajevo" ul. Hamdije Kreševljakovića br. 3. koga zastupa Gradonačelnica Doc. dr. Benjamina Karić kao naručilac (u daljem tekstu: **Naručilac**) i

2. „HM TENAX“ d.o.o. Sarajevo-Ilidža, ul. Vlakovo br. 158, Sarajevo, Ilidža koga zastupa direktor Hodžić Mirsad kao izvršilac (u daljem tekstu: **Izvršilac**)

I PREDMET UGOVORA

Član 1.

Predmet ovog ugovora je: „Pružanje usluge oblaganja privremenog postamenta spomenika bosanskog kralja Tvrtka I Kotromanića kamenom oblogom“, a isti se zaključuje na osnovu Posebne Odluke o pokretanju postupka javne nabavke putem Direktnog sporazuma broj: 01/14-11-5797-4/23 od 21.08.2023. godine i ponude Izvršioca broj: 11/23 od 22.08.2023. godine koja je sastavni dio ovog ugovora.

II CIJENA I NAČIN PLAĆANJA

Član 2.

Ugovorne strane utvrđuju vrijednost usluge iz člana 1. ovog ugovora u iznosu od:

Vrijednost bez PDV-a **6.000,00 KM**
Vrijednost PDV-a 17% **1.020,00 KM**
Ukupna vrijednost sa PDV-om **7.020,00 KM**
(slovima: sedamhiljadadvadeset i 00/100 KM).

Član 3.

Naručilac će sredstva iz člana 2. ovog ugovora isplatiti na transakcijski račun Izvršioca u roku od 15 (petnaest) dana od dana ispostavljanja fakture od strane Izvršioca iz Budžeta Grada Sarajeva sa budžetske pozicije: 614 400 - Podizanje spomenika od značaja za grad Sarajevo.

III PRAVA I OBAVEZE UGOVORNIH STRANA

Član 4.

Izvršilac se obavezuje da će:

- za potrebe Naručioca pružiti uslugu oblaganja privremenog postamenta spomenika bosanskog kralja Tvrtka I Kotromanića kamenom oblogom;
- uslugu pružiti stručno i kvalitetno u duhu dobre poslovne saradnje.

Član 5.

Naručilac se obavezuje da će:

- Izvršiocu isplatiti naknadu za pruženu uslugu u skladu sa članom 3. ovog ugovora;
- osigurati nadzor i kontrolu nad realizacijom usluge koja je predmet nabavke.



Član 6.

Nadzor nad realizacijom usluge koja je predmet ugovora ispred Naručioca vršit će Služba za urbano planiranje, investicijske, stambene i komunalne poslove.

IV ROK

Član 7.

Ugovor se zaključuje na određeno vrijeme i traje 30 (trideset) dana od dana obostranog potpisivanja ugovora od strane ovlaštenih lica.

V PRELAZNE I ZAVRŠNE ODREDBE

Član 8.

Svaka od ugovornih strana može raskinuti ovaj ugovor dostavljanjem pismene obavijesti drugoj ugovornoj strani sa otkaznim rokom od 15 (petnaest) dana, od dana primljene obavijesti.

Član 9.

Na odnose između ugovornih strana koji nisu utvrđeni ovim ugovorom primjenjivat će se odredbe Zakona o obligacionim odnosima.

Član 10.

Ugovor stupa na snagu danom obostranog potpisivanja od strane ovlaštenih lica ugovornih strana.

Član 11.

Ugovorne strane su saglasne da sve sporove rješavaju mirnim putem, a u protivnom ugovaraju nadležnost suda u Sarajevu.

Član 12.

Ugovor je sačinjen u 5 (pet) istovjetnih primjeraka, od kojih Naručiocu pripadaju 3 (tri) primjerka, dok Izvršilac zadržava 2 (dva) primjerka.

ZA NARUČIOCA:
GRAD SARAJEVO
Gradonačelnica
Doc. dr. Benjamina Karić

ZA IZVRŠIOCA:
„HM TENAX“ d.o.o. Sarajevo-Ilidža
Direktor:
Hodžić Mirsad

anovski,
kabineta i

J. Zarić
31.08.23.